

諸經要集


籍

才十六

四百四十八

樞

51162



誦經要集卷第十六

西明寺沙門釋道世集

楹

詐偽部第二十四

惰慢部第二十五

詐偽部第二十四

此有六緣

述意緣

詐親緣

詐毒緣

詐貴緣

詐怖緣

詐畜緣

述意緣第一

夫至道無隔貴在忠言故出其言善則千里
應之出其言不善則咫尺如龍聳但教流末代
以法訛替或憑真以構偽或飾虛以詐真良



由人懷邪正故法有真假名利既侵則我人
逾盛現親尚無附之况元來踈薄故難交友
故經云直心是道場不虛假故也

詐親緣第二

如雜寶藏經云一切姦猾諂偽詐惑外狀似
直內懷姦私是故智者應察真偽如往昔
婆羅門其年既老耽娶少婦婦嫌夫老傍姪
不已勸夫設會請諸少壯婆羅門等夫疑有
妾不肯延致前婦之子墮於火中尔時少婦
眼看不捉婆羅門言兒今墮火何故不捉婦
即荅言我自少來唯近已夫不近餘男云何
令我捉此男子老夫聞已謂如其言便設木

會集婆羅門。介時少婦便共交通。老夫見已
心懷忿恨。即取寶物。弃婦而去。於其路中見
一婆羅門。便共為伴。至暮共宿。明旦前行。語
老婆羅門言於昨宿處。有一草葉著我衣裳。我
自少來無侵世物。欲還草葉歸彼主人。介且
停住待我往還。老婆羅門深信其言。倍生敬
敬許。當住待詐捉草葉入溝。偃卧良久。乃還
云。葉歸了。老婆羅門因便利故。即以寶物而
用寄之。此人尋後賣寶。便走。老婆羅門見偷
已物。惋彼不已。小復前行。慙一樹下見一鸛
雀口中銜草。語諸鳥言。我等共相憐愍。集會
一處。而共住止。介時諸鳥皆信其言。而來聚

集時此鶴雀趣鳥飛後就他巢窠啄卵而食
諸鳥將至更復銜草諸鳥知諂悉捨而去於此
樹下更經少時見一外道出家之人身被納衣
安行徐步口云去去衆生老婆羅門而問之言
何以安行口唱去去外道荅言我出家人憐
愍一切畏傷虫蟻是故尔耳時婆羅門見其
此語深生篤信尋至其家於其暮宿但聞歌
舞之聲便出看之乃見出家外道住室有一
地孔內出婦女與共交歡彈琴舞戲老婆羅
門見已思惟天下万物無一可信故說偈言
不捉他男子 以草還主人 鶴雀詐銜草
外道畏虫傷 口言唱去去 如是詐諂僞

都無可信者 來苦實難當

故涅槃經云佛言如我昔日所說偈言

一切江河必有迴曲 一切叢林必名樹木

一切女人 必有諂曲 一切自在 必受快樂

詐毒緣第三

如雜寶藏經云提婆達多作種種因緣欲得

殺佛然不能得時南天竺國有婆羅門來善

知呪術和合毒藥提婆即合毒藥以散佛上

風吹此藥反墮已頭上即便悶絕躄地欲死

醫不能治阿難白佛言世尊提婆達多被毒

欲死佛憐愍故爲說實語我從菩薩成佛已

來於提婆達多常生慈悲無有惡心者毒當

自滅作是語已毒即消滅諸比丘言希有世
尊提婆達多恒起惡心於如來如來云何猶
故活之佛言非但今日惡心向我過去亦尔
即問佛言惡心於佛其事云何佛言過去之
世迦尸國中有波羅柰城有二輔相一名斯
那二名惡意斯那常順法行惡意恒作惡行
好爲讒構而語王言斯那欲作惡逆王即收
閉諸天善神於虛空中出聲而言如此賢人
實無過罪云何拘縛第二惡意劫王庫藏反
著斯那王亦不信王言捉此惡意付與斯那
仰使斷之斯那即教惡意向王懺悔惡意自
知有罪便走向毗提醯王所作一寶篋盛土

惡蛇見毒具足令毗提醯王遣使送與彼國
王并及斯那二人共看莫示餘人王見寶篋
極以嚴飾心大歡喜即喚斯那欲共發看斯
那荅言遠來之物不得自看遠來果食不得
即食何以故彼有惡人或能以惡來見中傷
王言我必欲看慇懃三諫王不用語復白王
言不用臣語王自看之臣不能看王即發看
兩眼盲冥不見於物斯那憂苦愁悴欲死遣
人四出遍歷諸國遠覓良藥既得好藥以治
王眼平復如故尔時王者舍利弗是尔時斯
那者我身是尔時惡意者提婆達多是也
詐貴緣第四

如僧祇律云佛告諸比丘過去世時有城名
波羅柰國名伽尸時有弗盧醯大學婆羅門
爲國王師常教學五百弟子時婆羅門家生
一奴名迦羅呵常使供給諸童子等是奴利
根聞說法言盡能憶持此奴一時共諸童子
小有嫌恨便走他國詐自稱言我是弗盧醯
婆羅門子字耶若達多語此國師言我是波
羅柰國王師弗盧醯子故來至此欲從大師
學婆羅門法師答言可尔是奴聰明本已曾
聞今日復重聞悉能持其師大喜即令教
授五百門徒汝代我教我當往來王家是師
無有男兒唯有一女即告之曰耶若達多當

用我語汝莫還本國我今以女妻汝荅言從
教共作生活家漸豐樂耶若達多為人難可
婦爲作食恒瞋生熟不能適口婦常念言脫
有行人從波羅柰國來者當從彼受飲食法
用然後供養夫主彼弗盧醯婆羅門具聞是
事便作是念我奴迦羅呵逃在他國當往捉
來或可得直便詣彼國時奴與諸門徒詣園
遊戲在於中路遙見本主即便驚怖密語門
徒汝等還去各自誦習門徒去已便到主前
頭面禮足白其主言我來此國稱道大家是
我之父便投此國師大學經典與女爲婦願
尊今日勿彰我事當與奴直奉上大家主婆

羅門善解世事即荅言汝實我兒但早發遣
奴即將至婦家告家中言我所親來其婦歡
喜為辦種種飲食奉食訖已伺小空閑密禮
婆羅門足而問之曰我奉事夫飲食供養常
不可意願尊指授本在家時何所食噉當如
先法為作飲食客婆羅門便即瞋恚而作是
念如是如是困苦他女汝但速發遣我臨去
時教汝一偈使夫無言女聞歡喜辭出而退
即語夫言尊者婆羅門故從遠來宜早發遣
夫即念言如婦所說宜應早遣莫令久住恐
言漏失損我不少便大與財物教婦作食自
行供之夫為曹主求伴不在婦奉食訖禮足

碎別請求先偈即教偈言

無親遊他方 欺誑天下人

麁食是常食

細食復何嫌

今與汝此偈若彼瞋恚嫌食惡時便在其邊
背面微誦令其得聞作是教已便還本國是
奴送主去已每至食時還復瞋恚婦於夫邊
試誦其偈夫聞是偈心即不喜便作是念咄
是老物發我臭穢從是已後常作軟語求婦
不瞋恐婦向人說其陰私佛告諸比丘時本
主弗盧醯婆羅門者即我身是時奴迦羅呵
者今闍陀比丘是彼於尔時已曾恃我凌他
今復如是恃我勢力凌易他人也

詐怖緣第五

如智度論云一切諸法皆是虛誑衆生愚癡不識親疎瞋罵加害乃至奪命起此重罪故墮三塗受無量苦譬如山中有一佛畱彼中有一別房房中有鬼來恐惱道人是諸道人皆捨房去有一客僧來維那處分令住此空房而語之言此房中有鬼神喜惱人能住中者住客僧自以持戒力多聞故言小鬼何所能爲我能伏之即入房住暮更有一僧來求此住處維那亦令在此房住亦語有鬼惱人其人亦言小鬼何所能爲我當伏之先入者閉戶端坐待鬼後來者夜暗打門求入先入

者謂爲是鬼不爲開戶後來者極力打門在
內道人以力拒之外者得勝排門得入內者
打之外者亦打至旦相見乃是故舊同學識
已各相愧謝衆人雲集笑而怪之衆生亦如
是五陰皆虛無我無人取相鬪諍橫加毒害
若披解在地但有骨肉無人無我是故菩薩
語衆生言汝等莫於根本空中鬪諍人身尚
不可得何況值佛

詐畜緣第六

如舊雜譬喻經云昔有婦人富有金銀與男
子交通盡取金銀衣物相逐俱去到一急水
河邊男子語言汝持財物來我先渡之當還

迎汝男子渡已便走不還婦人猶住水邊憂
苦無人可救唯見一野狐捕得一鷹復見河
魚捨鷹捕魚魚既不得復失本鷹婦語狐曰
汝何太癡貪捕其兩不得其一狐言我癡尚
可汝癡劇我也又僧祇律云佛告諸比丘過
去世時非時連雨七日不止諸放牧者七日
不出時有餓狼飢行求食遍歷七村都無所
得便自剋責我何薄相經歷七村都無所得
不如守齋住還山林自於窟穴呪願言使一
切衆生皆得安隱然後攝身安坐閉目帝釋
至齋日即乘伊羅白龍象觀察世間持戒破
戒到彼山窟見狼閉目思惟便作是念咄哉

狼獸甚為奇特人尚無此心況此狼獸而能如是便欲試之知其虛實帝釋即變身化爲一羊在窟前住高聲命群狼時見羊便作是念竒哉齋福報應忽至我遊七村求食不獲今暫守齋餽饈自來廚供已到但當食已然後守齋即便出穴往趣羊所羊見狼來便驚奔走狼便尋逐羊去不住追之旣遠羊化爲狗方口聑耳反來逐狼急聲喚之狼見狗來驚怖還走狗急追之劣乃得免還至窟中便作是念我欲食彼返欲噉我今時帝釋便於狼前作跛脚羊鳴喚而住狼作是念前者是狗我飢悶眼花謂爲是羊今所見者此真是

羊復更諦觀看耳角尾真實是羊便出往趣
羊復驚走奔逐垂得復化作狗返還逐狼亦
復如前我欲食彼返欲見噉時天帝釋即於
狼前化為羔子鳴羣喚母狼便瞋言汝作肉
段我尚不出況為羔子而欲見欺還更守齋
靜心思惟時天帝釋知狼心念還齋化作羊
羔於狼前住狼便說偈言
若真實為羊 猶故不能出 況復作虛妄
如前恐怖我 見我還齋已 汝復來見試
假使為肉段 猶尚不可信 況作羊羔子
而詐喚咩咩
於是世尊而說偈言

若有出家人

持戒心輕僇

不能捨利養

猶如狼守齋

又五分律云佛告諸比丘乃往古昔有一摩納
在山窟中誦刹利書有一野狐住其左右專
聽誦書心有所解作是念言我解此書語足
堪作諸獸中王作是念已便起遊行逢羸瘦
野狐便欲殺之彼言何故殺我荅言我是獸
王汝不伏我是以相殺彼言願莫殺我我當
隨從於是二狐便共遊行復逢一狐又欲殺
之問荅如上亦言隨從如是展轉伏一切狐
便以羣狐伏一切象復以衆象伏一切虎復
以衆虎伏一切師子遂權得爲王旣作王已

復作是念我今爲獸中王不應以獸爲婦便
乘白象率諸羣獸不可稱數圍迦夷城數千
帀王遣使問汝諸羣獸何故如是野狐荅言
我是獸中王應娶汝女與我者善若不與我
者當滅汝國還白如此王集羣臣共議唯除
一臣皆云應與所以者何國之所恃唯賴象
馬我有象馬彼有師子象馬聞氣惶怖伏地
戰必不如爲獸所滅何惜一女而喪一國時
一大臣聰叡遠略而白王言臣觀古今未曾
聞見人王之女與下賤獸臣雖闇昧要殺此
狐使諸羣獸各各散走王即問言計將焉出
大臣荅言王但剋期戰日先當從彼求索一

願願令師子先戰後吼彼謂吾畏必令師子
先吼後戰王至戰日當勅城內人畜皆令塞
耳王用其語還使剋期并求上願至于戰日
復遣信求然後出軍軍鋒欲交野狐果令師
子先吼野狐聞之心破七分便於象上墜落
于地於是群獸一時散走佛以是事而說偈言
野狐憍慢盛 欲求其眷屬 行到迦夷城
自稱是獸王 人憍亦如是 規統於徒衆
在摩竭之國 法主以自号

尔時迦夷王者我身是聰叡大臣者舍利弗
是野狐王者調達是告諸比丘調達往昔詐
得眷屬今亦如是故佛說偈云

善人共會易 惡人善會難 惡人共會易
善人共會難

又佛本行經云 尔時佛告諸比丘 言我念往

昔有一河名波利耶多 隋言彼節 時彼河岸有一

人是結華鬘師 其人有一園在彼河側 而彼河

內時有一龜從水而出 至華園中求食而行

處處經歷 蹋壞其花 時彼園主見龜壞華園

主 即捉置於一筐篋中 將欲殺食 彼龜作念

云 何得脫此難 作何方便 誑此園主 即向園

主而說偈言

我從水出身 有泥
汝但置華洗我體

我身既有泥不淨
恐畏汚汝篋及華

時彼園主作如是念善哉此龜善言教我今
不得不取其言我洗其身勿令泥汚我之華
篋作是念已即手執龜將向水所欲洗龜身
是時彼人即提龜出置於石上抄水欲洗是
時彼龜出大筋力忽投入水時華鬘師見龜
沒水作如是言竒哉是龜乃能如是誑逗於
我我今還可誘誑是龜使令出水時華鬘師
即向彼龜而說偈言

賢龜諦聽我作意

汝今新舊甚衆多

我作華鬘繫汝咽

恣汝歸家作喜樂

尔時彼龜作如是念此華鬘師妄言誑我彼
母患著床其婦採花造鬘欲賣以用活命今

作是言定是誑我欲食我故誘我出耳是時
彼龜向華鬘師而說偈言

汝家造酒欲會親

廣作種種諸味食

汝至家內作是語

龜肉煮以脂糝頭

尔時佛告諸比丘言汝諸比丘欲知彼時入
水龜者我身是也華鬘師者魔波旬是其於
尔時欲誑惑於我而不能著今復欲誑何由
可得

又佛告諸比丘言我念往昔於大海中有一
大虬其虬有婦身正懷妊忽然思欲獼猴心
食以是因緣其身羸瘦痿黃宛轉戰慄不安
時彼特虬見婦身體如是羸瘦無有顏色見

已問言賢善仁者汝何所患欲思何食我不
聞汝從我索食何故如是時其特虬默然不
報其夫復問汝今何故不向我道婦報夫言
汝若能與我隨心所願我當說之若不能者
我何暇說夫復荅言汝但說看若可得理我
當方便會覓令得婦即語言我今意思獼猴
心食汝能得不夫即報言汝所須者此事甚
難所以者何我居大海獼猴在山樹何由可
得婦言奈何若不得是物此胎必墮我身不
久恐取命終是時其夫復語婦言賢善仁者
汝且容忍我今求去若成此事深不可言則
我與汝並皆慶快尔時彼虬即從海出至於

岸上去岸不遠有一大樹名優曇婆羅隋言求願
時彼樹上有一大獼猴在於樹頭取樹子食是
時彼虬既見獼猴在樹上坐食於樹子見已
漸漸到於樹下到已即便共相慰喻以美語
言問訊獼猴善哉善哉婆私師吒在此樹上
作於何事不甚辛勤受苦惱耶求食易得無
疲倦不獼猴報言如是仁者我今不大受於
苦惱虬復重更語獼猴言汝在此處何所食
噉獼猴報言我在優曇婆羅樹上食噉其樹
子是時虬復語獼猴言我今見汝甚大歡喜
遍滿身體不能自勝我欲將汝作於善友共
相愛敬汝取我語何須住此又復此樹子少

無多云何乃能此處願樂汝可下來隨逐於
我我當將汝渡海彼岸別有大林種種諸樹
華果豐饒獼猴問言我云何得至彼處海水
深廣甚難越渡云何堪渡是時彼虬報獼猴
言我背負汝將渡彼岸汝今但當從樹下來
騎我背上尔時獼猴心無定故狹劣愚癡心
生歡喜從樹而下上虬背上欲墜虬去其虬
內心生如是念善哉善哉我願已成即欲相
將至自居處及獼猴俱沒於水猴問虬言善
友何故忽沒於水虬即報言我婦懷妊彼如
是思欲食汝心以是因緣我將汝來尔時獼
猴作如是念嗚呼我今甚不吉利自取磨滅

作何方便而得免此急速厄難不失身命復
如是念我須誑虬作是念已而語虬言仁者
善友我心留在優曇婆羅樹上寄著不持將行
仁於當時云何不依實語我知今須我心我於
當時即將相隨善友還迴放我取心得已還
來時彼虬聞獼猴語已二俱還出獼猴見虬
欲出水岸是時獼猴努力奮迅捷疾跳躑出
大筋力從虬背上跳下上彼優曇大樹之上
其虬在下少時停待見猴淹遲不下而語之
言親密善友汝速下來共汝相隨至於我家
獼猴默然不肯下樹虬見獼猴經久不下而
說偈言

善友猕猴得心已

願從樹上速下來

我當送汝至彼林

多饒種種諸果處

尔時猕猴作是思惟此虬無知即說偈言

汝虬計校雖能寬

而心智慮甚狹劣

汝但審諦自思惟

一切眾類誰無心

彼林雖復子豐饒

及諸菴羅等妙果

我今意實不在彼

寧自食此優曇婆

尔時佛告諸比丘言當知彼時大猕猴者我

身是也彼虬者魔波旬是彼時猶尚誑惑於

我而不能得今復欲將世間五欲之事而來

誘我豈能動我此之坐處又雜寶藏經云昔

有烏梟其相怨憎烏待晝日知梟無見踏殺

羣梟散食其肉梟便於夜知烏眼闇復啄群
烏開啄其腹亦復散食畏晝畏夜無有竟已
有一智烏語衆烏言已爲怨憎不可求解終
相誅滅勢不兩全宜作方便彌覆諸梟然後
我等可得歡樂若其不尔終爲所敗衆烏荅
言當作何方得滅讎賊智烏荅言尔等衆烏
拔我毛羽啄破我頭我當設計要令彌覆即
如其言焦悴形容向梟穴外而自悲鳴聞其
聲已便言今尔何故破傷來至我所烏語梟
言衆烏讎我不得生活故來相投以避怨惡
時梟憐愍遂便養給恒與殘肉日月轉久毛
羽平復烏作微計銜乾樹枝并諸草木著梟

穴中似如報恩梟語烏言何用是爲烏即荅
言孔穴之中純是冷石用此草木以御風寒
梟以爲尔默然不荅而烏於是即求守孔穴
作給使令用報恩養時會雪寒嚴風猛盛衆梟
率尔來集孔中烏得其便尋生歡喜銜牧人
火用燒梟孔衆梟一時於孔焚滅尔時諸天
說偈言曰

諸有宿嫌處

不應生體信

如烏作詐善

焚滅衆梟身

又六度集經云昔者菩薩爲孔雀王從妻五百
棄其舊匹欲娶青孔雀爲妻其青孔雀唯食甘露
美果孔雀爲妻日行取之其國王夫人有疾

夢覩孔雀去其肉可爲藥寤已啓聞王令獵
士疾行索之夫人曰有能得之者婢以季女
賜金千斤國諸獵士分布行索覩孔雀王從
一青雀在常食處即以蜜麩每處塗樹孔雀
輒取以供其妻射師以蜜麩塗身踞坐而候
孔雀取麩人應獲之焉孔雀曰子之勤身必
爲利也吾示子金山可爲無盡之寶子原吾
命矣獵者又曰大王賜吾千斤金妻以季女
豈信汝言乎剋以送獻汝矣孔雀曰大王懷
仁潤無不周願納微言乞得少水吾以慈呪
服之疾即瘳矣若其無効受罪不晚王順其
意夫人服之衆疾皆瘳華色煒曄宮人皆然

舉國歎王弘慈活於孔雀之命獲延一國之
壽孔雀曰願得投身于彼大湖并呪其水率
土黎人衆疾可瘳若有疑望願以杖捶吾足
王曰許可孔雀如之國人飲水並皆得力聾
聽盲視瘖語蹙伸衆疾皆然夫人疾除國並
得無病兼無害孔雀之心孔雀具知向王陳
曰受王生潤之恩吾報濟一國之命報畢乞
退王曰可尔雀即翔飛昇樹重曰天下有三
癡王曰何謂三耶一者吾癡二者獵士癡三
者大王癡王曰願釋之也雀曰諸佛重戒以
色爲火燒身危命貪色之由也吾捨五百供
養之妻而貪青雀索食供之有如僕使爲狂

網所得殆危身命斯吾癡也獵者之癡吾至
誠之言捨一山之金棄無窮之寶信夫人邪
僞之欺望季女之妻覩世狂愚皆斯類矣損
佛真誠之戒信鬼魅之欺酒藥姪亂或受破
門之禍或死入太山其苦無數思還爲人猶
無羽之鳥欲飛昇天豈不難哉姪婦之妖蠱
喻彼魑魅靡不由之亡國危身而愚夫尊之
方言無一誠也而射師信之斯謂獵者愚矣
王得天醫除一國疾諸毒都滅顏如盛華巨
細欣賴而王放之斯謂王愚矣佛告舍利弗
孔雀王者自是之後周旋八方輒以神藥慈
心布施愈衆生病孔雀王者吾身也國王者舍

利弗是獵師者調達是也夫人者調達婦是
菩薩慈悲度無極行布施如是又雜寶藏經
云佛言乃往過去時有蓮華池多有水鳥在
中而住時有鸛雀在於池中徐步舉脚諸鳥
皆言此鳥善行威儀徐序不惱水性時有白
鵝而說偈言

舉脚而徐步

音聲極柔軟

欺誑於世間

誰不知諂讒

鸛雀語言何為作此語求共作親善白鵝荅
言我知汝諂讒終不親善汝欲知今時鵝王
者即我身是也今時鸛雀者今提婆達多是
也又雜寶藏經云佛言於過去世雪山之側

有山鷄王多將鷄衆而隨從之鷄冠極赤身體甚白語諸鷄言汝等遠離城邑聚落莫與人民之所噉食我等多諸怨疾好自慎護時聚落中有一猫子聞彼有鷄便往趣之在於樹下徐行低視而語鷄言我爲汝婦汝爲我夫而汝身形端正可愛頭上冠赤身體俱白我相承事安隱快樂鷄即說偈言

猫子黃眼愚小物

觸事懷害欲噉食

不見有畜如此婦

而得壽命安隱者

尔時鷄者我身是也昔時猫者提婆達多是也昔於過去欲誘誑我今日復欲誘誑我索我徒衆頌曰

姦情詐癡 令信匪疑 偽現依附 妄納相依
外親內損 夙夜侵移 久共同住 方覺漸衰
惰慢部第二十五 此有三緣

述意緣

引證緣

立志緣

述意緣第一

夫人所以不得道者由於心神昏愴心神所以昏愴由於外物擾之者多其事略三一則勢利榮名二則妖妍靡曼三則甘脂肥濃榮名雖日用於心要無晷刻之累妖妍靡曼方之已深甘脂肥濃為累甚切万事云云皆三者之枝葉

聖人知不斷此三事故求道無從可得如水
火擁之亟之則其用弥全決之散之則其勞
弥薄故論云質微則勢重質重則勢微是以
思之測之寔由勤功而悟道惰之慢之良因
貪聲色而障聖所以釋氏震法鼓於鹿苑夫
子揚德音於陬魯尚耳目所不聞豈心識之
能契也

引證緣第二

如薩婆多論云波羅提木叉之戒五道而言
唯人道得戒餘四不得如天道以著樂深重
不能得戒如昔一時大目連以弟子有病上
忉利天以問耆婆正值諸天入歡喜園介時

目連在於路側立待一切諸天無顧看者唯
耆婆後至顧見目連向舉一手乘車直過目
連自念此本人間是我弟子今受天福以耆
天樂都失本心即以神力制車令住耆婆下
車禮目連足目連種種因緣呵責耆婆答目
連曰以我人中爲大德弟子是故舉手問訊
頗見諸天有介者不介時目連勸誡釋提桓
因佛世難值何不數數相近諮受正法帝釋
欲解目連意故遣使勅一天子令來返覆三
喚猶故不來後不應已而來帝白目連曰此
天子唯有一天女一伎樂以自娛樂以染欲
情深雖復命重不能自割故不肯來況作天

王種種宮觀無數天女須食自然百味百千
伎樂以自娛樂視東忘西雖知佛世難遇正
法難聞而以染樂纏縛不得自在知復如何
三塗苦難無緣得戒人中唯三天下得戒止
鬱單越無有佛法不得戒以福報障并愚癡
故不受聖法又善見律去時有六羣比丘自
身在下請法人在高而爲說法以慢法故佛
呵責之佛語比丘往昔波羅柰國有一居士
名曰車波加其婦懷妊思菴羅果語其婿言
我思菴羅果君爲我覓其夫荅言此非果時
我云何得婦語夫言君若不得我必當死夫
聞婦語心自念言唯王園中有非時果我當

往偷作是念已即夜入王園取果未得明相
已出不得出園於是樹上截住時王與婆羅
門入園欲食菴婆羅果婆羅門在下王在高
座婆羅門為王說法偷果人樹上自念言我
偷果事應合死因王聽婆羅門說法故我今
得脫我今無法王亦無法婆羅門亦無法何
以故我為婦故而偷主果王由憍慢故師在
下座自在高座而聽說法婆羅門為貪利養
故自在下座為王說法我今三人相與無法
我今得脫即便下樹往至王前而說偈言
二人不知法 二人不見法 教者不依法
聽者不解法 為是飲食故 我言是無法

爲以名利故 毀碎汝家法

王聞此偈怒偷果人罪我爲凡時尚見非法
況今成佛汝諸弟子爲下人說法時偷果人
者我是也又智度論云如迦葉佛時有兄弟
二人出家求道一人持戒誦經坐禪一人廣
求檀越修諸福業至釋迦佛出世一人生長
者家一人作大白象力能破賊長者子出家
學道得六神通阿羅漢果而以薄福乞食難
得他日持鉢入城乞食遍不能得到白象廐
見王供象種種豐足語此象言我之與汝俱
有罪過象即感信三日不食守象人怖求覓
道人見而問言汝作何術令王白象病不能

食耶荅曰此象是我先身時弟共於迦葉佛時出家學道我但持戒誦經坐禪不行布施弟但廣求檀越作諸布施不持戒不學問以其不持戒誦經坐禪故今作此象大修布施故飲食備具種種豐足我但行道不修布施故今雖得道果乞食不能得以是事故因緣不同雖值佛世猶故飢渴又百喻經云昔外國節慶之日一切婦女盡持優鉢羅華以爲鬘飾有一貧人其婦語言尔若能得優鉢羅華來與我爲尔作妻若不能得我捨尔去其夫先來常善能作鴛鴦之鳴即入王池作鴛鴦鳴偷優鉢羅華時守池者而作是問池中者

誰而此貧人失口荅言我是鴛鴦守者捉得
將詣王所而於中道復更和聲作鴛鴦鳴守
池者言尔先不作今作何益世間愚人亦復
如是終身殘害作衆惡業不習心行使令調
善臨命終時方言我今欲得修善獄卒將去
付閻羅王雖欲修善亦無所及如彼愚人欲
到王所作鴛鴦鳴又百喻經云昔有大富長
者左右之人欲取其意皆盡恭敬長者唾時
左右侍人以脚踏却有一愚者不及得踏而
作是言若唾地者諸人踏却欲唾之時我當
先踏於是長者正欲咳唾時此愚人即便舉
脚踏長者口破脣折齒長者語言汝何以故

踏我脣口愚人具答所由故唾欲出舉脚先
踏望得汝意凡物須時時未及到強設功力
反得苦惱以是之故世人當知時與非時
立志緣第三

如雜譬喻經云昔有人名薩薄聞於外國更
有異寶欲往治生而二國中間有羅刹難不
可得過薩薄遊行見市西門有一道人空牀
上坐去賣五戒薩薄問言五戒去何答曰無
形直口授心持後得生天現世能却羅刹鬼
難薩薄欲買問索幾錢答金錢一千即就受
竟語言卿向外國到界畔上羅刹若來卿但
語言我是釋迦五戒弟子薩薄少時到二國

中間見有羅刹身長一丈三尺頭黃衣蓑眼
如赤丁舉體鱗甲更互開口如魚鼓鰓仰接
飛鷲踏地沒膝口熱血流羣衆數千直捉薩
薄薩薄語言我是釋迦五戒弟子羅刹聞此
永不肯放薩薄聊以兩拳叔之拳叔之入鱗
甲拔不得出又以腳踏頭衝拔復不出五體
沒鱗甲中唯背得動羅刹以偈語言
汝身及手足一切悉被羈 但當去就死
跳踉復何爲

薩薄志意猶固以偈語羅刹曰

我身及手足 一時雖被繫 攝心如金石

終不爲汝媿

羅刹又語薩薄曰

吾是鬼中王

爲人多力脅

從來食汝輩

不可得稱數

但當去就死

何爲自寬語

薩薄更欲罵怒自念此身輪迴三界未曾乞

人我今當以乞此羅刹作一頓飽食即說偈言

我此腥臊身

久欲相去離

羅刹得我便

悉持以布施

志求摩訶乘

果成一切智

羅刹聰明解薩薄語便生愧心放薩薄去長

跪合掌向其謝曰

君是度人師

三界之希有

志求摩訶乘

成佛當不久

是故自歸命

頭面禮誓首

羅刹悔過竟送薩薄至外國大得珍寶又送

還家大修功德遂成道迹故知戒力不可思議勸諸行者堅持禁戒還如此人立志勇猛又智度論云有大力毒龍以眼視人弱者即死以氣噓人強者亦死時龍受一日戒出家入林樹間思惟坐久疲懈而睡龍法眠時形狀如蛇七寶雜色獵者見之驚喜言曰以此希有難得之皮獻上國王以為舩飾不亦宜乎便以杖案其頭刀剥其皮龍自念言我力能傾國土此一小物豈能困我我今以持戒故不計此身當從佛語自忍閉目不視閉氣不喘憐愍此人為持戒故一心受剥不生悔意既以失皮赤肉在地時日大熱宛轉土中

欲趣大水見諸小虫來食其身爲持戒故不復敢動自思惟言今我此身以施諸虫爲佛道故今以肉施以充其身後以法施以益其心身乾命終即生忉利天上畜生尚能堅持禁戒至死不犯況復於人寧容故犯又五分律云佛言乃往過去有一黑蛇蜚一犢子還入穴中有一呪師以殺羊呪呪令出穴不能令出呪師便於犢子前然火呪之化成火蜂入蛇穴中燒蛇蛇不堪痛然後出穴殺羊以角抄著呪師前呪師語言汝還舐毒不尔投此火中黑蛇即說偈言

我既吐此毒 終不還收之 若有死事至

畢命不復迴

於是遂不收毒自投火中佛言尔時黑蛇者
今舍利弗是昔受如此死苦猶不收毒況今
更取所棄之藥又雜寶藏經士佛言過去世
時亦復曾遊迦尸國毗提醯國二國中間有
大曠野有惡鬼名沙吒盧斷絕道路一切人
民無得過者有一商主名曰師子將五百商
人欲過此路諸人恐怖畏不可過商主語言
慎莫怖畏但從我後於是前行到于鬼所而
語鬼言汝不聞我名也荅言我聞汝名故來
欲戰問言汝何所能即捉弓箭而射是鬼五
百發箭皆沒鬼腹弓刀器仗亦入鬼腹直前

拳打拳復入去以右手託右手亦著以右脚踏右脚亦著以左脚踏左脚亦著又以頭打頭亦復著鬼作偈言

汝以手脚及與頭

一切諸物悉以著

餘人何物而不著

商注以偈荅言

我今手足及與頭

一切錢財及刀仗

此諸雜物雖入沒

唯有精進不著汝

精進若當不休息

與汝鬪諍終不廢

我今精進不休息

終不於汝生怖畏

時鬼荅言今為汝等故五百賈客盡皆放去又雜婆沙論云魔王遂見菩薩坐菩提樹端

身不動誓取菩提速出自宮往菩薩所謂菩
薩曰刹刹帝子可起此座今濁惡時衆生剛
強定不能證無上菩提且應現受轉輪王位
我以七寶當相奉獻菩薩告曰汝今所言如
誘童子日月星辰可令墮落山河大地可昇
虛空欲令我今不取大覺起此座者定無是
處後魔將三十六俱胝魔軍各現種種可畏
形勢執持戰具色類無邊遍三十六踰繕那
量俱時奔趣菩提樹下惱亂菩薩皆不能得
菩薩身心不動逾於須弥山也又僧伽羅刹
經云昔者菩薩現爲鸚鵡常處于樹風吹彼
樹更相切磨便有火出火漸熾盛遂焚一山

鸚鵡思惟猶如飛鳥軀止于樹故當反復起
報恩心何況於我長夜處之而不滅火即往
詣海以其兩翅取大海水至彼火上而灑於
火以口灑水東西馳奔時有善神感其勤苦
尋爲滅火又智度論云昔野火燒林林中有
一雉勤身自力飛來入水以水灑林往返疲
乏不以爲苦時天帝釋來問之言汝作何等
答曰我救此林愍衆生故此林蔭育處居日
久清涼快樂我諸種類及諸宗親皆悉依仰
我有身力云何不救天帝問言汝乃精勤當
至幾時雉言以死爲期天帝言誰爲汝證即
自立誓我心至誠信不虛者願火即自滅是

時淨居天知雉弘誓即為滅火始終常茂不

為火燒

故經云人有善願天必從之斯言驗矣

頌曰

情學迷三教

問者不知一

合芻不結核

敷花何得實

徒生高慢心

陵他非好畢

墜落幽暗道

關閉空深密

一入百千年

方億苦逼切

對苦悔無知

方由隋慢糲

至人善取譬

立志須明律

英雄慢法時

焉知悔今日

諸經要集卷第十六

咫尺

上音只八寸曰咫尺

訛替

上愚和反謬也下他帝反廢也

耽

丁含惋

烏貫反也

憩

去例反也

鸛雀

上音貫

巢窠

助上

交反下啄

卵

上音卓下

提醯

下呼

耶若

下汝

楹

吐反下骨 闡上昌 陀演反 狐音胡 捕音步 劇音加

放下音 牧下音 牛音目 耽耳上舍反 跛脚上我反 羔音高

咩羊彌 輕音他 標下反 聰反 窾反 踏反 規上音 統上音

業也 華反 鬘下反 踏反 詐音 逗音

豆也 誘音 脂下 糝下 蘇反 虬反 角也 痿音 黃音

為上反 戰下 慄下 吉反 羸反 瘦上 犛上 犛上 虬上 痿音 黃音

前同 暇音 訊音 狹上 奮上 迅上 方音 問音

捷疾上 淹遲上 邑反 烏下 梟下 伯反 勞也 烏反 鴉反

啄音 匹音 麩反 尺反 飯反 踞坐上 瘳音 疾音 愈音

也音 焯音 燁音 于音 輒反 明反 也反 躄反 脚音 翔飛音 祥音 飛音

而不 殆危上 鬼魅下 夔反 妖妍下 妖反 孽反 靡曼下 莫音 官音

毒音 魑魅上 精怪也 妖妍反 孽反 靡曼下 莫音 官音

美也 暑刻 日上俱也 水反 擁之 壅上 紆 拱 反 正 作 亟之

也 紀 力 反 遠 又 去 陬 魯 地 上 子 侯 反 黔 也 象 廐 下 救 下 養 音

舍象 記 也 咳 唾 愛 上 反 苦 衣 蓑 衣 下 可 蘇 和 反 禦 雨 草 也 鼓 鯁 廐 下 息 養 音

動 頰 也 魚 蹈 地 盜 上 音 拳 叔 拳 下 加 田 佳 反 以 羈 居 下 宜 反 息 養 音

擊 跳 踉 二 條 良 盜 上 音 拳 叔 拳 下 加 田 佳 反 以 羈 居 下 宜 反 息 養 音

魚 星 也 肉 下 臭 蘇 氣 刀 反 音 虛 也 剝 反 必 角 喘 昌 音 腥 臊 反 居 下 宜 反 息 養 音

知 列 反 也 殺 羊 古 上 音 抄 楚 交 反 正 合 反 神 只 俱

胝 下 珍 遲 踰 繕 那 上 羊 朱 作 反 楚 加 反 合 反 神 只 俱

也 野 雞 也 萼 花 吾 各 反 也 核 果 胡 子 隔 反 也 楫 木 先 節 也 反 十 俱

也 野 雞 也 萼 花 吾 各 反 也 核 果 胡 子 隔 反 也 楫 木 先 節 也 反 十 俱

也 野 雞 也 萼 花 吾 各 反 也 核 果 胡 子 隔 反 也 楫 木 先 節 也 反 十 俱

也 野 雞 也 萼 花 吾 各 反 也 核 果 胡 子 隔 反 也 楫 木 先 節 也 反 十 俱

